

ամեն 20—25 գլուխ ոչխարի կամ այծի համար մի գառ կամ երկու հօլ՝ ուլ, սակայն այնպես, որ կեսն անպատճառ լինի էգ, թեկուզև էգերը ծնված լինեին շատ ավելի պակաս.

նույնպես նաև շորեղեն՝ արխալուղ, վոտաշօր, շապիկ, վրայից ձգելու համար ֆէշա և 5—6 ոչխարի բուրդ<sup>53</sup>:

Եթե ոչխարի թիվը 300-ից ավելի էր լինում, վարձվում էր մի այլ շօբան ևս:

Կերակրվում էր շօբանը ոչխարատիրոջ հաշվին՝ ստանալով օրական 8 լավաշ և այլ մթերքներ:

Չօբանը պարտական էր, բացի ոչխարը պահելուց, խուզել, մասնակցել կթելուն և արխալը շաբաթական երկու-երեք անգամ մաքրել: Կթելը սակայն շատ անգամ, մանավանդ սարերում, կնոջ գործն էր: Դրա համար շօբանը որոշ ժամին քշում էր ոչխարը նշանակված տեղը՝ գյուղից կամ օբայից ոչ հեռու, ուր գալիս էին կթող կանայք, իսկ կանոնաբաժնեք կանոնէրին և հօլէրին մոտեցնում էին մայրերին:

Չօբանի ընկերը շունն էր, որի առանձին տեսակն է զարգացել տեղում: Նրա կերակրելն էլ ոչխարատիրոջ հաշվին էր: Շունն առանձնապես անհրաժեշտ էր, քանի որ գավառում գայլերը բազմաթիվ էին և մյուս կողմից՝ պակաս չէին նաև գողերն ու ավազակները: Որպեսզի գայլը հոտին չվնասի, տերը մի ոչխար մատաղ էր բերում հատկապես այդ նպատակին:

Հիվանդ ոչխարը բժշկելու համար, բացի ժողովրդական դեղերից՝ դիմում էին սնահավատական միջոցների: Ամենից տարածված միջոցն էր՝ հոտը քշել մի սրբավայր և այնտեղ երեք անգամ քշել սրբավայրի շուրջը և մատաղ մորթել: Այսպես, օրինակ՝ Ողջու շօբանը դաբաղավ<sup>54</sup> հիվանդ ոչխարը տանում էր դեպի Կալեր գյուղի մոտ եղած փոքրիկ մատուռը և այնտեղ մատաղ բերում:

Արծվանիկում նվիրական երկու բռնիներին տակ եղած գերեզմանաբարերի վրա աղ էին ածում և հիվանդ ոչխարին կերակրում: Հիվանդ հոտին ջուր էին խմացնում հարևան Չափնի գյուղի նվիրական աղբյուրից: Շատ բնորոշ է մի այլ միջոց դաբաղ հիվանդություն դեմ, որը գործադրում էր օղակի միջով անցկացնելու եղանակը<sup>55</sup>: Երկու ուղղաձիգ նստեցրած սյունների գլխներին դնում էին մի գերան և այդպես ստացված շինուլի զրբվազա-ի վրա կամ բակի իսկական զրբվազա-ի վերին գերանի վրա նստեցնում մի «առդար» աղջիկ կամ մի առաքինի կյանքով հայտնի պառավ և հիվանդ տավարը անց էին կացնում այդ դաբաղի միջով, իսկ վերև նստած աղջիկը կամ կինը մի փայտով խփում էր տէփօրին և կանչում թրքերեն՝

Գն՛ղի թաբախ... Եկա՛վ տէփօրին...

Չը՛խ, դաբաղ... Կորչի՛, դաբաղ...

Մաղիկ հիվանդությունից բժշկվելու համար հատուկ գորություն ունեցող սպիտակ կախարական քար կար, որը ձգում էին աղի ֆակի՝ պարկի մեջ, հետո այդ աղը բաց անում ջրի մեջ և ոչխարին խմացնում: Աղի ֆակը գորգի

<sup>53</sup> Գորիսում գրգամուտին՝ կիրականություն շօբանն ամբողջ սուրճն՝ հոտը քշում էր իր տան առջև և ոչխարը կթում իր օգտին. դա նրա հախն էր՝ վարձը: Գառնարածն ամեն մի գառան համար կիրակի օրը ստանում էր մեկ լավաշ, նաև մի փոքր դրամ: Չմեովա համար շօբանը ստանում էր անջնգ՝ ձեռնոցներ, որոնք գործվում էին դագիրի՝ այծի մազի տակի մազից՝ քիֆտիկից: Գործում էր սովորաբար հենց շօբանի ընտանիքը:

<sup>54</sup> Ստաներին բուսած խոցերով:

<sup>55</sup> Օրինակ՝ Գորիսում: